



## Secziun da catschadurs Bostg

Andiast | Pigniu | Vuorz | Siat | Rueun

### Protocol dalla radunonza da primavera dils 3 da matg 2013 allas 20:00 - 21:25 en casa da scola ad Andiast

#### Suprastonza

Rita Killias-Cantieni, presidenta  
Marco Tschuor, actuar  
Noah Durschei, cassier (perstgisau)  
Benjamin Janki, cau da tgira (perstgisau)  
Elias Casanova, responsabel da tir

Presents: 33  
Perstgisas: 18  
Absolut pli: 17

#### Tractandas

1. Beinvegni ed elecziun dil dumbravuschs
2. Approbaziun dalla gliesta da tractandas
3. Approbaziun dil protocol dalla radunonza generala dils 13-12-2012 a Rueun
4. Orientaziun catscha 2012
5. Prender conclus arisguard las propostas inoltradas per mauns dalla radunonza da delegai a Scuol (mira BJ no. 4/2013)
6. Survetsch divin campester a Munt s. Gieri
7. Tir intern
8. Approbar il reglament revediu pil tir da catscha intern
9. Recepziun novs commembers e mutaziuns
10. Varia

Tractandas/Conclus/Discussiun etc.	Responsabel
<b>Beinvegni entras la presidenta:</b> Rita Killias-Cantieni fa a tut ils presents in cordial beinvegni.	R. Killias
<b>1. Elecziun dil dumbravuschs</b> Per igl appel cursescha ina gliesta. Presents total ein 33 Sco dumbravuschs vegn elegius: Remo Veraguth	R. Killias
<b>2. Approbaziun dalla gliesta da tractandas</b> La gliesta da tractandas vegn approbada unanimamein.	R. Killias
<b>3. Approbaziun dil protocol dalla radunonza generala dils 13-12-2012 a Rueun</b> Il protocol vegn approbaus unanimamein.	M. Tschuor
<b>4. Orientaziun catscha 2012</b> A caschun dalla radunonza da presidents a Tusaun (Gion Fidel e Rita) e dallas regionalas a Glion (Elias, Arno e Rita), ei vegniu informau sur dalla catscha 2012. Il rapport sur dalla catscha 2012 ei publicaus en tuts detagls sin las paginas d'internet sut Amt für Jagd und Fischerei GR e sin quella dil BKPJV.  Per reglar il diember d'animals selvadis, sebasa gl'uffeci da catscha sin plirs facturs: La dumbraziun sistematica (ils davos 4 onns ha ei dau mintgamai resultats da record) lu, l'observaziun dalla survigilonza, il svilup dil diember d'animals sur plirs onns, la controlla dils animals sittai, ni ch'ei i alla malura, ils resultats d'animals ch'ei vegni marcai ed il svilup dils animals el spazi da viver.	R. Killias



## Secziun da catschadurs Bostg

Andiast | Pigniu | Vuorz | Siat | Rueun

In factur sa denton buca vegnir calculaus e quei ein las lunas dalla natira. E gest quella ei buca propi stada beinvulenta culs catschadurs duront la davosa catscha. Per quei munta il diember da tscharvas sittadas da catsch'aulta mo 71 % (el 2011 ei quei stau per ex. 86 %). Quei fatg ei bein era stau ina part da nossa discussiun a caschun dalla RG, e secapescha era il turissem da catscha che sefa adina dapli.

Sin nossa brev dils 4 da schaner, agl uffeci da catscha cun copia a dr. Cavigelli, Werner Degonda, Arnold Caminada e Beat Angerer ha gl'uffeci reagau immediat e telefonau gia ils 7 e proponiu in discuors pils 16 da schaner. Avon ch'ir a Cuera ein Lothar, Norbert, Remo, Roland e Rita sentupai per haver endamen co proceder. Il discuors cun dr. Brosi, Hannes Jenny, Werner Degonda ed Arnold Caminada ei sefatgs en buna atmosfera. Mintgin ha detg tgei che ei buca iu bein e tgei che ha vilentau biars catschadurs duront la catscha d'atun: p.ex. different'entschatta dalla catscha el circuit 2.1 e 2.2, turissem da catscha, responsabladad dil catschadur sez, aspect da segirtad e.a.v. Igl uffeci da catscha e pesca enconuscha uss la problematica e la secziun Bostg ha detg claramain ch'ei vegn spitgau ina reacziun da vart digl uffeci da catscha e pesca.

Catscha 2012:

Tier la selvaschina d'ungla ei vegniu sittau 4% pli pauc che la media dils davos 10 onns. Il resultat dalla catscha e catscha supplementara da 2012 vesa ora il suandont:

### Tscharvas

4'050 (1'952 m. e 2'098 f.)

### Cavreuls

2'741 (1'568 m e 1'173 f.)

### Camutschs

3'038

A caschun dalla Regionala III, ha Werner Degonda menziunau ch'ei seigi vegniu sittau 228 vaccas bletschas e 102 vadials duront la catscha da settember. Gl'augment dil diember da tscharvas munta 5'000. Per donns vid gl'uaul e l'agricultura ei vegniu pagau gl'onn vargau. frs. 52'500. 1'500 catschadurAs ein i a catscha d'atun era quei in pulit augment.

Ils 16 d'avrel ha la dumbraziun da tscharvas giu liug. Uonn ha cusseglier guvernativ Mario Cavigelli, fatg honor a nossa secziun e priu part dalla dumbraziun. L'aura ei stada emperneivla ed era sche nus havein buca cattau adagur il luf, semuossa il resultat dalla dumbraziun sco suonda :

Areal 2.1 :

281 tscharvas

150 cavreuls

47 lieurs

22 uolps

3 tais

Areal 2.2 :

758 tscharvas

274 cavreuls

81 lieurs

39 uolps



## Secziun da catschadurs Bostg

Andiast | Pigniu | Vuorz | Siat | Rueun

<p>19 tais</p> <p>Total areal 2.1 e 2.2 : 1'039 tscharvas 424 cavreuls 128 lieurs 61 uolps 22 tais</p> <p>Andiast/Pigniu/Siat/Rueun/Vuorz (Daniel Hunger) : 371 tscharvas 45 cavreuls 18 lieurs 10 uolps 8 tais</p>	
<p><b>5. Prender conclus arisguard las propostas inoltradas per mauns dalla radunonza da delegai a Scuol (mira BJ no. 4/2013, pagina 10-18)</b></p> <p>9.1 Varianta 1 (17 gie, 1 na) 9.1 Varianta 2 (1 gie) 9.2 (15 gie) 9.3 (18 gie, 1 na) 9.4 (na) 9.5 (na) 9.6 (na) 9.7 (na) 9.8 (na) 9.9 (na) 10 (gie) 12 (gie)</p>	R. Killias
<p><b>6. Survetsch divin campester a Munt s. Gieri</b></p> <p>Nies survetsch divin a Munt s. Gieri ha liug ils 4-8-2013. Nus havein fixau quei datum, per buca vegnir en conflicts cun la perdanonza da Siat ed era per buc organisar quel pér la davosa dumengia avon catscha. E tuttina ha ei dau collisiun da datums.</p> <p>Las dunnas da Siat han organisau per quella dumengia in survetsch divin sin lur alp aschia che sur Dirk haveva gia dau tier ad ellas da far quei survetsch. Pia ha ei giu num ir alla tscherca. Sur Sievi ei era gia occupaus a Lumbrein aschia che nus havein dumandau Ser Bolliger da Vuorz e sur Giusep Venzin da Breil da preparar il survetsch divin ed els ein prompts da surprender quei.</p> <p>Ei vegn era scret allas secziuns dalla regiun, per aschia far intec "reclama".</p> <p>Adolf Veraguth ei dil meini ch'ins savess era prender e publicar ei ella gasetta "caschadur grischun".</p>	R. Killias
<p><b>7. Tir intern</b></p> <p>Il tir intern ha liug ils 10 d'uost 2013 (emprova ei ils 8 d'uost 2013, 18.00 – 19.30 uras).</p> <p>Negina discussiun.</p>	R. Killias



## Secziun da catschadurs Bostg

Andiast | Pigniu | Vuorz | Siat | Rueun

<p><b>8. Approbar il reglament revediu pil tir da catscha intern</b> Ei dat negina discussiun, il reglament vegn approbaus unanimamein.</p>	R. Killias								
<p><b>9. Recepziun novs commembers e mutaziuns</b></p> <p><u>Mortori</u> Gion Veraguth</p> <p><u>Extrada</u> Vinzens Derungs Lucas Casanova</p> <p><u>Intradas A</u> Iago Dacal Vanessa Veraguth</p> <p><u>Candidats</u> Erich Guido Frei</p> <p><u>Stan actual</u></p> <table data-bbox="185 1016 558 1160"><tr><td>Commembers A</td><td>85</td></tr><tr><td>Commembers B</td><td>13</td></tr><tr><td>Candidats</td><td>2</td></tr><tr><td><b>Total</b></td><td><b>100</b></td></tr></table>	Commembers A	85	Commembers B	13	Candidats	2	<b>Total</b>	<b>100</b>	M. Tschuor
Commembers A	85								
Commembers B	13								
Candidats	2								
<b>Total</b>	<b>100</b>								
<p><b>10. Varia</b></p> <p>Rita Killias informescha sco suonda: Muort in brav tatsch neiv havein nus buca saviu far la tgira da primavera sco previu. Benjamin ha priu si contact cun Marco Casanova, per mirar co ei stetti cun stuschar il termin sin pli tard. Da far quei, massen nus en la resca da survegnir negina contribuziun persuerter. Previu ei da far quella tgira digl ur digl uaul gl'atun, suenter la tgira dils 5, resp. 10 d'october. Pia la fin october entschatta november.</p> <p>A caschun dalla radunonza da delegai dallas Secziuns reunidas da catschadurs dalla regiun Surselva ei vegniu concludiu d'abolir quella, cun la resalva dall'aprobaziun dils novs statuts dil BKPJV. Previu eis ei da salvar inaga ad onn ina radunonza comunabla dil district I e II per aschia saver purtar propostas comunablas dalla Surselva per mauns dalla radunonza dil BKPJV. Ils daners en cassa dueien survir sco capital da partenza dils dus districts. Per structurar ils districts vegn il BKPJV a metter a disposiziun statuts da muster.</p> <p>Ei vegn pia a dar pulitas midadas el 2014 e cheu ei in e scadin clamaus da far ponderaziuns, seigi cun far propostas per l'elecziun ella suprastonza centrala ni ella districtuala.</p> <p>Il survigilader Gabriel Monn ei seretratgs da siu uffeci. Da niev ei Martin Cavegn vegnius eligius.</p> <p>Ils 25 da matg ei la radunonza da delegai dil BKPJV a Scuol.</p> <p>Ils 25 da matg ha era Curdin Veraguth nozzas. Tenor usit statten ils commembers dil Bostg spalier e portan ina salvgia. Jeu recamondel a tuts che san zaco da render quell'honor a nies commember.</p>	R. Killias								



## Secziun da catschadurs Bostg

Andiast | Pigniu | Vuorz | Siat | Rueun

Ils davos meins essan nus vegni inundai cun brevs da lecturs e critica viers la catscha e quei gest da tuttas varts. Bia da quei fa pli grond donn che gudogn. La finala ei schizun vegniu instradai in'iniziativa encunter la catscha d'atun.

Las pretensiuns: Abolir la catscha d'atun. Tuts animals dueien vegnir sitta duront la catscha ordinaria els meins settember/october duront 25 dis cun integraziun dils asils e cun pusseivladads d'interrupziun duront mintgamai 3 dis. Jeu sedamondel – co ei quei pusseivel da far ed haver success - tgei schabegiass lu cun la catscha bassa, cun la catscha da capricorns, culs animals ch'ei el temps da calira e sch'ei bischa gia il settember/october? E surtut tgei schabegia culs animals dalla populaziun stabla da nies territori? Il concept applicaus entochen uss ha malgrad tutta critica giu success.

Ier sera ha il Telesguard rapportau sur dallas tscharvas pertuccadas dalla tuberculosa el Montafon. Previu ei ina certa controlla dils organs interns dils animals sitta gia duront la proxima catscha e quei principalmein en Portenza. Co quei duei succeder ei aunc buca sclariu. Il prighel denton, che tscharvas infectadas vegnan era en Svizra e principalmein en Portenza, ei avon maun ed ei da prender serius.

Daniel Hunger gi che Arnold Caminada ha dumandau sche enzatgi dils catschadurs dalla secziun Bostg ha ideas/propostas tgei far en caussa cultivaziun dils asils da catscha. Sligiar si certs asils da catscha fuss ina schliatta opziun, ins vegness mo a profitar in onn e suenter vegness sitta pli pauc.

Gion Giacun Spescha gi ch'ei ha naven dil Pass Sura entochen Laax 12 asils, aschia ch'ins sa segir empruar da catschar ora in ni l'auter.

Gion Fidel Spescha ei dil meini ch'ei drova asils, ei vegn sitta biabein 50% dallas tscharvas entuorn ils asils. Ins savess empruar da catschar ora ils asils el meins settember duront la jamna nua che la catscha ei serrada.

Norbert Dermont gi che ei sto era vegnir sitta dapli vaccas sch'ei vegn catschau ora ils asils e buca mo taur, schglioc eis ei da sitta duront la catscha d'atun aunc dapli vaccas.

Gion Fidel Spescha ei era da quei meini e gi, che la secziun Bostg ei la suletta secziun nua ch'ei seigi vegniu sitta dapli vaccas che taur duront la catsch'aulta 2012 (18 taur e 29 vaccas, GV 1: 1.6).

El district 2.2 ei vegniu sitta senza il territori dil Bostg 56 taur e 45 vaccas (GV 1:08.) ed el district 2.1 ei vegniu sitta 55 taur e 44 vaccas (GV 1:0.8). E tutina vegn adina puspei sitta il pli bia vaccas duront la catscha d'atun ella regiun dil Bostg. Cheu seigi era da prender e far certas ponderaziuns.

Rita Killias ha telefonau cun Arnold Caminada pertuccont la catscha d'atun, Arnold ha dau da sentir, ch'ei seigi da far certas midadas (p. ex. arver la catscha il medem gi).

Ignaz Spescha ei dil meini ch'igl uffeci da catscha e pesca sto reagir meglier sch'ei dat ina massa neiv e prender e serrar la catscha d'atun.

Luis Candinas ei era da quei meini, igl uffeci da catscha e pesca duess esser pli flexibels (p. ex. sch'ei ha bia neiv, ei la catscha mo lubida tochen 1'000 m.s.m.)

Sino Hunger gi che ei vegn era buca serrau la catsch'aulta sch'ei dat neiv. Tals



## Secziun da catschadurs Bostg

Andiast | Pigniu | Vuorz | Siat | Rueun

catschadurs che mondien da catscha d'atun buca a catscha cu ei ha neiv, van da catsch'aulta tuttina a catscha, era sch'ei dat lu neiv.

Gion Giacun Spescha menziuna che la neiv dil settember ni dil december ei buca il medem. La neiv dil settember ei suenter cuort temps luada, quella dil december perencunter buca. Era ils gis ein il december pli cuorts.

Ignaz Spescha gi che tscharvas che vegnan spuentadas duront la catscha d'atun mondien bia pli lunsch che duront la catsch'aulta. Duront la catsch'aulta anflan ils animals selvadis pli tgunsch loghens schurmegiai (plontas, caglias etc.).

Rita siara la radunonza ed envida tut ils presents sin cuost dalla secziun Bostg tier in sitg ell'ustria Christall.

Rueun, ils 16 da matg 2013

igl actuar

Marco Tschuor